

Տեղեկատվական թերթիկ

Զարգացման և համագործակցության
Շվեյցարիայի գործակալության Հարավային
Կովկասի գրասենյակ

**Swiss Cooperation Office
South Caucasus**

Նոյեմբեր 2016թ.

Մաղրու տարածաշրջանում գյուղական համայնքների զարգացում Փուլ II



Տվյալներ

Երկիրը. Հայաստան

Տևողությունը. Ղեկտեմբեր 2012թ. – դեկտեմբեր 2016թ.

Բյուջե. 3'580'000 շվեյցարական ֆրանկ

Ծրագրի գործընկերները.

- ՀՀ Տարածքային կառավարման և զարգացման նախարարություն (ՏԿԶՆ)
- ՀՀ Գյուղատնտեսության նախարարություն
- Սյունիքի մարզպետարան
- Իրականացնող գործընկեր. «Ագրոբիզնեսի և գյուղի զարգացման կենտրոն» (CARD)
- HELVETAS շվեյցարական ինկորպորացիա

Ծրագրի նպատակը

Ծրագրի նպատակն է փոքրածավալ այգեգործ արտադրողների ավելացած և կայուն եկամուտը`

արտադրության առավել շահութաբերության և շուկայի առավել հասանելիության ապահովման միջոցով:

Հիմնավորում

Գյուղատնտեսությունը աշխատատեղերի հաշվով Հայաստանի տնտեսության ամենամեծ հատվածն է, որն ապահովում է երկրի բնակչության 37%-ի զբաղվածությունը: Այս հատվածը կարևորագույն դեր ունի երկրի տնտեսության մեջ՝ 2015թ. տվյալներով հաշվարկելով ՀՆԱ-ի մոտ 22%: Միևնույն ժամանակ հայ ֆերմերները կազմում են բնակչության առավել խոցելի խումբը, որի մոտ 40%-ն ապրում է աղքատության մեջ: Փոքր և մասնատված ֆերմերային տնտեսությունները մեծ տեղ են զբաղեցնում գյուղատնտեսական արտադրության ոլորտում, ինչը բացասաբար է ազդում արտադրության քանակի ու որակի վրա, հետևաբար նաև սահմանափակում է շուկայական հնարավորությունները: Գյուղատնտեսության երկու հիմնական խնդիրներն են ցածր արդյունավետությունը և շուկայի սահմանափակ հասանելիությունը:



Մեղրու տարածաշրջանում գյուղական համայնքների զարգացում, Փուլ II, Նոյեմբեր 2016թ.

Մեղրու տարածաշրջանում գործազրկության մակարդակը կազմում է 15%: Բնակչության մեծամասնությունը ներգրավված է սեփական սպառման գյուղատնտեսական աշխատանքներում: Մեղրու բնակչության 30%-ից ավելիի համար այգեգործությունը հանդիսանում է եկամուտի հիմնական աղբյուր:



Գործողություններ

Ծրագիրը հիմնականում աշխատում է այգեգործ արտադրողների և շուկայի այլ դերակատարների կարողությունների զարգացման ուղղությամբ: Այն նաև միտված է ամրապնդելու շուկայի դերակատարների միջև գոյություն ունեցող կապերը՝ նպաստելով համապատասխան ծառայությունների և շուկայի վերաբերյալ տեղեկատվության հասանելիության մակարդակի բարձրացմանը: Ավելին, ծրագիրն աշխատում է շուկայի բոլոր դերակատարների հետ, մասնավորապես՝ մատակարարների, ծառայություն մատուցողների, միջնորդների, վերամշակողների, սուպերմարկետների և բոլոր մակարդակների իշխանությունների հետ: Նման աշխատանքը առաջ է բերում փոփոխություններ

այգեգործության արժեշխայում՝ ի նպաստ Մեղրու տարածաշրջանի աղքատ ֆերմերների. դեպի ներքև՝ արժեշխաներում խթանելու արտադրական ծավալները, դեպի վերև՝ զարգացնելու շուկայի հասանելիությունը:

Ակնկալվող արդյունքներ

Ծրագրի իրականացման այս փուլի ավարտին ակնկալվող արդյունքները հետևյալն են.

- Ծառայություն մատուցողները և մատակարարները կին և տղամարդ ֆերմերների համար ապահովում են առավել արդիական գյուղատնտեսական տեղեկատվության և նյութերի հասանելիություն:
- Ֆինանսական ծառայություն մատուցողները կին և տղամարդ ֆերմերներին, վերամշակողներին և այգեգործության շուկայում այլ մասնավոր դերակատարներին տրամադրում են ավելի շատ, առավել լավ և հարմարեցված խորհրդատվություն, ինչպես նաև ներդրման համար նախատեսված կապիտալի հասանելիություն:
- Բարելավված առևտրային կապեր ֆերմերների և գնորդների (վերամշակողներ, վաճառողներ, մանրածախ վաճառողներ, արտահանողներ) միջև, ինչը ստեղծում է առավել բարձր շուկայական գնագոյացման հնարավորություն:
- Տեղական ինքնակառավարման մարմինները (համայնքապետարաններ և մարզային իշխանություններ) որդեգրում և իրականացնում են այնպիսի ռազմավարություն, որը միտված է ստեղծելու առավել բարենպաստ բիզնես միջավայր:

Կոնտակտային տվյալներ.

Զարգացման և համագործակցության Շվեյցարիայի գործակալություն Հարավային Կովկասի գրասենյակ
 Շվեյցարիայի դեսպանատուն

Մելիք Ադամյան փողոց 2/1
 Երևան 0010, Հայաստան
 Հեռախոս. +374 10 52 98 60
 Ֆաքս. +374 10 52 98 61

www.swisscoop.am

www.facebook.com/SwissCooperationSouthCaucasus
yerevan@eda.admin.ch